



04 OCT, 2020

Tempoh perniagaan lebih pendek

Berita Harian Ahad, Malaysia

Page 1 of 2

Tempoh perniagaan lebih pendek

Kuala Lumpur: Tempoh perniagaan lebih pendek adalah antara prosedur operasi standard (SOP) diperketatkan susulan pelaksanaan kawalan rentas daerah di seluruh Sabah, yang sedang berkuat kuasa sehingga 16 Oktober ini.

Menteri Kanan (Keselamatan), Datuk Seri Ismail Sabri, berkata waktu operasi premis perniagaan seperti restoran, kedai makan dan serbaneka di Sabah, kini hanya dibenarkan dibuka mulai jam 6 pagi hingga jam 8 malam.

Selain itu, katanya, waktu operasi stesen minyak di seluruh negeri juga ditetapkan untuk tempoh sama, manakala pasar harian dibenarkan dibuka mulai jam 6 pagi hingga jam

2 petang.

“Pasar malam, pasar tani, tamu dan pasar borong, pula dibenarkan beroperasi berdasarkan SOP sedia ada.

“Teksi dan e-hailing dibenarkan beroperasi mulai jam 6 pagi hingga jam 8 malam, sebarang perincian SOP berkaitan boleh dirujuk di laman web Majlis Keselamatan Negara (MKN),” katanya.

Kerajaan sebelum ini mengumumkan empat daerah di Sabah iaitu Kumak, Semporna, Lahad Datu dan Tawau dikenakan Perintah Kawalan Pergerakan Diperketatkan (PKPD) Secara Pentadbiran (TEMCO), berkuat kuasa 29 September lalu hingga 12 Oktober ini.

Arahan membabitkan 962,661

penduduk itu diputuskan Majlis Keselamatan Negara (MKN) selepas empat daerah berkenaan mencatatkan peningkatan kes COVID-19, iaitu masing-masing 241 kes di Lahad Datu, Tawau (634 kes), Kumak (65 kes) dan Semporna (255 kes).

Sepanjang pelaksanaan TEMCO, semua pergerakan keluar masuk tidak dibenarkan, manakala semua aktiviti perniagaan dihentikan, kecuali premis barang keperluan dan perkhidmatan.

Selepas pelaksanaan TEMCO terhadap empat daerah terbit, MKN mengumumkan langkah kawalan rentas daerah di seluruh negeri, dalam usaha mengekang penularan pandemik itu di Sabah.



04 OCT, 2020

Tempoh perniagaan lebih pendek

Berita Harian Ahad, Malaysia

Page 2 of 2

SUMMARIES

Kuala Lumpur: Tempoh perniagaan lebih pendek adalah antara prosedur operasi standard (SOP) diperketatkan susulan pelaksanaan kawalan rentas daerah di seluruh Sabah, yang sedang berkuat kuasa sehingga 16 Oktober ini. Menteri Kanan (Keselamatan), Datuk Seri Ismail Sabri, berkata waktu operasi premis perniagaan seperti restoran, kedai makan dan serbaneka di Sabah, kini hanya dibenarkan dibuka mulai jam 6 pagi hingga jam 8 malam.